



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

Aliud Exercit. 66.

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

tra aut derelinquat, quandoquidem
videt magnā esse nostrā necessitatē,
qua animæ nostræ ipsius egēt prote-
ctione atq; auxilio: dicemusque cum
Propheta David. Dilatauerunt super
me os suū, dixerunt euge euge vide-
rūt oculi nostri; vidisti Domine ne
fileas Domine ne discedas à me.

Oblatio.

Offeremus Domino omnia bona
desideria, sanctas cogitationes
iustorum in terra existentium, & om-
nia bona quæ ad honorē diuinæ ma-
iestatis per totum terrarum orbem
fiunt: laudes etiā quibus beatorū ani-
mæ in cœlis ipsum concelebrant.

ALIVD.

Exercitium 66.

*Iob 13. Obseruasti semitas meas, & vesti-
gia pedum meorum considerasti.*

*Psal. 118. Omnes viae meae in conspectu tuo
Domine.*

Psal. 43. Ipse enim nouit abscondita cordis.

Consideratio.

Considerabimus: oculos Domini
cōtinuē nō nos intētos esse; &

Non timorauit dominus exercituum

19

tantum omnia quæ agimus & loquimur, sed etiam quæ cogitamus, contemplari.

Gratiarum actio.

GRatias agemus, Deo, quod tam patienter & longanimiter hactenus nos sustinuerit; tolerauerit quod tam multa scelera in oculis diuinæ maiestatis admiserimus.

Confusio.

ERubescemus, considerando impudentiam & audaciam nostram quod coram oculis Dei, qui terram respiciens facit eam tremere, peccare ausi fuerimus.

Petitio.

ROgabimus Deum: vt puritatem interiorem & exteriorem nobis largiatur, vt digne possimus coram oculis suæ diuinæ maiestatis, quam puritatem & sanctitatem diligunt, omnem vero malitiam auersantur, conuersari.

Oblatio.

Offeremus Domino cor nostrum

ut illud purificet & sanctificet, faciatque nos homines secundum cor suum.

DE VIRTUTE FIDEL.

Exercitium. 67.

Rom. 1. *Iustus ex fide viuit.*

Ephes. 6. *In omnibus sumentes scutum fidei, in quo positis omnia tela nequissimi ignea extinguere.*

1. Ioan. 5. *Hac est victoria qua vincit mundum, fides nostra.*

Hebr. 11. *Sine fide impossibile est placere Deo.*

Luc. 17. *Domine adauge nobis fidem.*

Consideratio.

Considerabimus, quam sint certa quæ per fidem credimus, quandoquidem reuelationi diuinæ inniuntur. Deus autem est prima & æterna veritas, quæ neque falli, neque fallere potest. Prius cælum, terra, & totus mundus transibunt, quam iota vnum aut vnus apex ex his quæ Deus reuelauit, non impleatur.